

94
Q. B. V.
DISSERTATIONIS ACADEMICÆ
DE

SCANDIANORUM
PRISCA RELIGIONE
SIGNORUM MILI-
TARIUM
PARS PRIOR,
Quam
Suffragio Ampliss. SENATUS ACADEM. ABOENSIS,
Sub PRÆSIDIO
VIRI CL.

**DN. ALGOTHI A.
SCARIN,**

Hist. & Phil. Civil. Profess. Reg. & Ordin.

Publico bonorum examini siccit

GERHARDUS SNELLMANN

OSTROBOINIENSIS.

Ad diem XIII. Decembr. Anni MDCCXLVI.

horâ locoqve convetis

ABOÆ, Excid. JOH. KIEMPE, Reg. Acad. Typ.

VIRO

Summe reverendo atque amplissimo

D_{N.} JOHANNI BRO- WALLIO.

S. S. Theologiæ DOCTORI & PROFESSORI in
Reg Academia Aboënsi Primario, Diœcœlos ibidem
ARCHI PRÆPOSITO meritissimo, utriusque Con-
sistorii Adseßori gravissimo.

MÆCENATI MAGNO.

IGnoscite, MÆCENATES optimi, quod VESTRIS Nomi-
natiamque VESTRAM, quibus me nullo non tempo-
rero in angustum redactæ facultates meae non finant, a-
me collata beneficia publice testatum ire; Inde ut animi pie-
pere, præcerptasq; studiorum primitias basce VESTRIS NO-
possit, VOSMET oro & obtestor. Quod mearum est partium,
MÆCENATES, salvos & incolumes in Ecclesiae Dei,
miliae Vestræ ornamentum quam

MAGNORUM NOMI-

Cuior hu-

GERHARDUS

VIRO

Maxime reverendo atque amplissimo,

MAG. CAROLO FRIED. MENNANDER.

Scientiarum Naturalium PROFESSORI ad Regiam Aca-
demiam Aboensem celeberrimo, Consistorii utriusque
ADSESSORI adcuratissimo, Academiæ Scientiarum, in
Svethia illustris, MEMBRO inclito, inqve Pictis PA-
STORI vigilantissimo.

MÆCENATI MAGNO.

nibus hinc consecrare ausim dissertiunculam. Favorem
re amplecti dignati estis, magnopere venerari debeo. Quum
lio, quam literis atque musis consveto munusculo Vestrâ in-
tatem Vestrâ beneficiis devinctam, in vicem pretii, acci-
MINIBUS inscribi concedere velitis, studio, quo supra nihil
animatus opto vovereque, velit Supremum NUMEN Vos
firmamentum, orbis litterarii emolumentum & denique Fa-
diutissime superstites esse jubere!

NUM VESTRORUM

SNELLMAN.

Tull INSPECTOREN i Uleå

Ädel och Högadachtade

Herr JOHAN SNELLMAN

Min Högtäraade Kjære FADER.

Som wid all sin werk den stora altings
Skaparen welat betee sitt underbara vis-
het och macht/ så har han egenteligen welat
betvisa den samma uti mennistians skapelse och
desz wid macht hällande: bland annat/ me-
delst den obestrisweliga Kärlek och omsorg han
implantat, i Föräldrars hiertan för sina barn/
hvarmedelst de/ til at få dem urt stoftet
framdragne/ lida alt hwad som lidas kan/
och det gemenligen med eftersättjande af theras
egen begåvmlighet och twalmågo. Att Gud i
Nåder så lagat i naturen/ behöftver jag intet
hemta betwiss utom gårds/ eller från främ-
mende ställen. Den mer än dimma försorg/
som min K. Fader haft ospard för flere sina
barn och söner/ at de med heder måge i fram-
tiden kunna blixtwa bergade/ kan jag aldrig
tänka på/ at icke hiertat blöder i mig/ då
jag seer huru knapp förmågan är/ men hindrar
likväl aldrig/ at I ju gripit och gripen Eder
annu an långt öfwer förmågan. Intet har
blif-

blifvadt på EHR sida efter lätit af hvard som
en from och trogen Fader ågnar. Men är
mig ledt/ at på min sida jag intet kan tåne-
fia/ än mindre åstad komma något mōdan
hvardt/ hvarigenom jag min tacksamhet en-
dels måtte kunna förklara. Jag må ej näm-
na det klena VAPPERS VÄRKER/ hvilket
jag här frambrå som en förstilling af mina vid
Academien nyß anlagde studier. Gästwan är
lijk sin gifware. Men skulle min R. Fader tæ-
kas taga den emot allena såsom barnslig/ har
jag i handen redan hvard jag önskt/ och önskar
ånnu at kunna giörat en annan tid fullkomliga-
re. Hvard som mig är förlänt och oswanefter
befalt/ skal vara min dageliga lust och trång-
tan at kunna fullkomma/ nembl. bedia GUD/
Han wille förnya mine R. Föräldrars lefnads da-
gar/ at I nitit mågen fruchten/ om icke så
fullkomlig/ doch i någor måtto stvarande mot Ehr
mödozamma plantering; til wedermåle af alt
det goda I mig gjort/ och til besordran af min
wålfård/ utan gensäiselse ånnu gierna uposren.
förblifvandes i all min tid

Min Högtärade Käre Faders

Lydigste Son
GERHARD SNELLMANN.

Viro perquam reverendo atque doctissimo,

Dn. PETRO SNELLMANN.

Commissario in Mapmo vigilantissimo, Fratri dilectissimo.

Viro perquam reverendo nec non doctissimo,

Dn. NICOLAO SNELLMANN.

Verbi Divini Ministro in Gamble Carleby fidelissimo, paedagogii ibidem Collegae diligentissimo, Fratri carissimo.

Viro Literarum non minore, quam ceterarum rerum, mercantu confisco


Dn. GABRIELI SNELLMANN.

Fratri favissimo

Vobis quoque, Fratres carissimi, vinculis, quae concipi possunt, maximis, spei meae divinis, ob amorem atque benevolentiam nullo non temporis momenta mibimet praesitam, exercitium boce Academicum, cum rato omnigenae prosperitatis dedicatum atque consecratum volui, debui

NOMINUM VESTRORUM

Studioſſimus
A. E. R.



IN NOMINE JESU!

Sectio Prima.

S. I.

SIGNUM utrum Græcæ, an vero Hebraicæ originis sit, inter criticos discepatur. A. *quamvis* significo, unde *σημεῖον*, quod a יהוָה hebræo est, nonnulli arcellunt; Alii addito ταῦ ἀ σιγνῷ deducunt, quod ἀ σημέω pungo, seu signo iterum descendit. Clarissimi viri, *VOSSIUS* in etymologico & *BECCMANUS* in manud: ad lingvam Latinam, signum a secare commodissimè derivari posse putant, modo quo signum a tego & a lego lignum derivantur. Plures vocis hujus radices peregrè investigare operæ pretium non est. In Gothicâ lingva veteri, signa *consecrare* verbum crebro occurrit cum non paucis nominibus propriis, masculini & fœminini generis: *Signiautr*, *Signiutr* & *Signihildit*, qvæ inde, ceu ex radice comuni, descendere videntur. Ulrum vero Latinæ originis sint ista & non potius Scythicæ, nostrum non est decernere: Id credibile, quod cum multo ante, quam apud nos Christianismus invaluit, Fennis atque Gothis usitatum fuerit vocabulum istud, à radice quoque descendenter Italis patiter

A

riter

riter atqve Gothis communi. Ea qvæ altius repetita de-
 rivatio non impedit tamen, qvominus, cùm Latina lin-
 gva demum instrumentum evaderet propagandæ fidei
 Christianæ, *Signatura crucis*, cum sua formula, qvæ
 verbis Latinis concepta erat, item qve primsigna à vo-
 cabulo Latino originem trahere potuerit & revera etiam
 traxerit. Conjecturas etymologicas plures adjicere non
 vacat. Sufficit bella occasione oblata hac ipsa, hæresi
 eorum occurrisse, qvi ad Græcam & Latinam lingvam,
 ceterarum tantum non omnium origines referunt; adeo-
 que qvoties in vernacula voces occurrunt, qvarum ra-
 dices vetustas abolevit, literisve mutatis interpolavit,
 non ad proximè cognatas, sed alterutram illarum lin-
 gvarum mox confugiunt, & tales inde radices sæpe ex-
 tundunt, qvæ tantum abest affinitatem aliquam habe-
 ant cum vocis, de qua qværitur, significatione, ut simi-
 litudinis nec umbra inde aliqua, arte aut ingenio ullo
 exprimi possit. Acceptiones & divisiones varias signo-
 rum: in *naturalia* & *arbitraria*, in *nuaa* & *exhibitiva*, ne
 de cæteris signorum distinctionibus qvid dicam, in præ-
 sentia non moramur. De illis qvisqve plenius instrui
 cupit, Lexicographos: *VALCHIUM* & ceteros consulere
 potest. Ad nostrum institutum spectat novisse falem, e-
 jusmodi signaculorum & notarum vestigia passim & ubi-
 que reperi, inqve privatis illustrium personarum at-
 que familiarium, imo plebeiorum rebus nullo non tem-
 pore usum suum exeruisse. Ad certa reip: negotia pa-
 cis atqve bellorum indigitanda, ab antiquo eadem adhi-
 bita fuisse, nisi qvi ipsum se nescit, ignorare nemo pot-
 est. Qvatenus actuum belli notæ distinctivæ erant, ar-
 mis modo elyp isqve olim appingebantur: Interdum ex-
 ercitui universo & qvibus ille constabat, cohortibus
 atqve

atque legionibus, auspicato loco, præferebantur. Quæ prioris generis erant insignia: Skoldemärken, Bomärken: quæ vero militaria essent, Märken simpliciter olim, & succedente ævo Fanor och Standarer Scandianis Gothis cognominari meruere, quemadmodum in sequentibus idem pluribus manifestum daturi erimus.

§. II.

*S*ignorum verò militarium in genere religionem apud diversas gentes cum primum adumbrare adgredimur, nobismet principe & præcipuo loco sese offerunt Grati & Romani, eorumque in colendis signis suis, sine modo, modus. Erant signis eorum insculpta simulaçra Deorum, saepiuscule Imperatorum & aliorum principum virorum; non illorum modo, quos superstitione jam ante in numerum Divorum retulisset, sed crebro eorum etiam, quos in vivis immortalitatem comitari voluit adulatio. Inde de annexis à summo signo, ad eorum medium, imaginibus, *TACITUS* perhibet, quod steterint agmina legionum fulgentibus aquilis signisque & simularis Deum, in modum templi. Quam verò in numero Deorum illo, iisdem non explorata aliqua, sed proposita vana spes sita fuerit, cum *EUSEBIO* non melius alter expresserit, illius judicium proferre ab instituto certe non alienum erit. Loquitur ille de gentilium *LICINII* militum adversus *CONSTANTINUM* in prælium exuentium vanitate Religionis; *Hi, inquit, numero Deorum freti cum multa manu militari ingruerant, mortuorum imagines in signis inanimatis preferentes.* Scilicet, ut religionem animis eorum, quorum alioquin rara esse solet fides atque pietas, magis ingenerarent, Numina bellorum signis insidere fingebant. eodem fine, non per eadem juravere modo, sed asyla sua circa eadam etiam, imo carceres

uos quoque habuere. Festis diebus & latibus eorum, hoc est, cum domi militiaeque omnia, ex voto succederent, signa sua inungebant: contra vero cum adversa fortiter urgerent, ne a selectis Diis praesidibus suis improviso destituerentur, simulacra locis, ubi respondi solita fuerunt, catenis injectis, sibi devinxerunt. Bono ne & laudabili prorsus consilio iste religionis excessus introductus fuerit, nec ne, in praesentia dijudicare nostrum non est. Id factum discimus, postquam se & spiritum suum Diis devovissent, ne loco pulsii quidem signa eorum deseruerint. Quidam, in medio hostium iisdem a signifero forte jactis, ne sacra & Deos suos prodiisse viderentur, ad extorquendam hosti profanatam religionem, invicem temet inflammasse, siveque collaplas patriæ res saepe non infelicitate restituuisse legimus. Quomodo ad agendum & patientendum fortia eadem, in mores gentium arcta plagâ genitarum, in valuerit sive conservatio sive religio, sub exemplo Normannorum non ita multo post clarum evadet.

§. III.

Militaris globi væcordiam in prosequendis divino cultu imaginibus inanimatis, sub exemplo Licini ejusque bellatorum, præeunte EUSEBIO, perstrinximus modo. Sed si ultra seculum, quo floruit, etatem non nihil producere potuisset bonus ille præfus, ita ut oculis suis adspicere potuisset, quam ab illa primæva sinceritate tensim degeneraverint successores ejus, inter cetera è gentilitem adoptata homogenea atque heterogenea rituum, ejusmodi imaginum, & perinde signorum miliarium adorationem in ecclesiam cooptatam certe non è longinquo vidisset. Profecto si quæ è tergo est, manticam ipse respicere potuisset, in vita alio-

aliorum adeo non acutæ introspexisset. Commendat ipse *CONSTANTINI* factum, quo literas initiales nominis *CHRISTI*, palmario militiae suæ signo inscribi jusserrat. Res est de signo crucis, *Constantino* in cœlis apparente, pueris prope nota. Qui proximis ante reformationem seculis, antiquitatis hujus mentionem injiciunt, *EUSEBII* ἐγκωμιαστὴν πρεσβύτην, ejusque narrationibus non usqve claris atqve perspectis, fidem & assensum nescio qvem tribui & deberi urgent. Sed cum in questionibus facti tantum ad credendum ratio determinetur, in quantum res cognita fuerit, neqve *EUSEBIUS* ipse solum, magna cum cautionis præfatione loqvatur de apparitione hac, sed & ceteri qui ex illius ore pendent, veteris historiæ Scriptores cum varietate mira circumstantiarum, factum hoc recensent, debita cum circumspectione unius hominis testimonium hocce accipiendum esse, qvisqve videt; tanto magis, quanto ad illud seculum, superstitionis in ecclesia primordia multis referri soleant, & de historia *EUSEBII*, præsertim vero panegyrico illius, ubi factum unice recentetur, ex veteribus *PHOTIUS* & ex recentioribus *ITTIQVIS* atqve *BUDDEUS* judicent, qvod ad audita multa provocet, fabulosa misereat & transcribat, imo aliorum scripta identidem in usus suos interpolare non pensi, neqve religioni ulli habeat. (a) JOHANNES ALBER-

(a) Ad hoc seculum, primordia superstitionum multi sunt, quæ referri velint: qualis autem religio, talem quoque avi illius historiam esse, nemo dubitat. De testimonio Lactantii, qui brevissimis verbis de cœlesti signo, ab Imperatore in scutis signando, agit in libro de mortibus persecutorum, quid habendum sit, qui Cellarii via recensionem illius; Itemque Buddei historische Lexicon consulueris, non longe videbit.

BERTUS FABRICII, Hamburgensis iudi paulo ante polyhistor, conspirante in unum una cum illo SCHMIDIO Helmstadiensi Theologo, naturale phænomenon fuisse ait in halone solari, cui ad conversionem suam suo- rumque insistere, Cæsari non incommodum visum fue- rit. Nos dicimus: si veteri adagio: *Fide, sed cui vide,* in ecclesiâ perinde atque vita communi, vis & veritas aliqua inest, quæ ab illo seculo fabulis maculato (phra- sis est *J. A. Schmidii modo laudati*) ad nos transmissa sunt, certe non obnoxia fide, sed cum grano salis ac- cipienda esse, quisque videt. Ad nostrum institutum novisse sufficiat, credibile omnino videri, quod Labarum quasi λαόφυγον, crucis effigie ideo in primis signari, & è conto iuo eminere voluerit CONSTANTINUS, ut prostan- te signo illo, neophytes religionis cives suos à gentili- tatis ritibus paulatim desverfaceret, & ad illud Numen colendum fortius incitaret, cuius vexillo nomen inscul- ptum esset, cujusque liberum & publicum religionis exercitium in imperium ipse nuper invexisset. Apud PONTIFICIOS signorum sacra magna in veneratione & pre- tio fuisse, notissimo notius est. Utrum occasione fa- eti Constantini, exemplum sibi sumerint seqvioris ævi flamines inunctionum, aquæ benedictæ aspersorum, & us- que ad superstitionem, in vexillis suis multiplicatae cru- cis signaturæ, non ego dixerim. Id docet historia, quod post exhibitum superne principi mandatum hoc ipsum, ut ad exemplum signi in cœlo visi, labarum fabricaret, quo, ceu præsidio, ad victoriam contra hostes suos uti posset, ut verba sonant apud EUSEBIUM, colloquia cum Egeria nescio qua divâ, & signa cœlo delapsa, nullis non crucias expeditionibus, saepe iniquissimis, (de quibus potea) prætextui assumta fuisse,

VIdimus qvanta cum præsumptione exemplum Constantini in elevando crucis signo, seqvioris ævi Christiani ad superstitionem usqve æmulati sint. Qvomodo, sublimi loco suo, pietas illa Muhamedis sectæ homines ad idem reverentia genus inflammataverit, ordine nunc dissipandum venit. Nitidam caballi caudam super contum elevatam, pro insigni in bellis suis adhibere, ducibusqve gewinam, non raro tergeminam præferre solere istam gentem, notum est. Qvomodo in progressu prælii cum Christianis olim infeliciter gesti, ex poliatis signis, præcisam eqvi caudam perticæ summitati, pro vexillo alligaverit ductor exercitus, eoque sublato, non palantes suos solum collegerit, sed & victoriam hostibus extorserit, imo salutari adhibito consilio illo, posteritati exemplum dederit palladii in militiam Saracenicam recipiendi illius, non est qvod pluribus dictum, nedum evictum eamus. Volunt videri Muhamedani non nimis creduli, certe qui non omnes narratiunculas pro oraculis habent. Illi verò gestæ rei & in religionem militarem eorum receptæ, utrum veri quid insit, nec ne, in præsentia nos non indagamus. Id nobis magis verosimile videtur, qvod auspicii per eqvos sumpti hujus occasionem arripuerint à majoribus suis nostrisque Gotbi; qvorum numen, Orbinus puta, hros hars grane, id est, mentum gerens pilis eqvinis obsitum, in Edduis dicitur; ipsique cristatis ex setis eqvinis galeis in acie comparuisse leguntur. apud qvos etiam eqvorum præfagia in magna admundum veneratione fuisse, Tacitus agnoscit. Idem qvod de Rugianis SAXO Danus qvoque perhibet, qvod lacrum eqvum penes se aluerint, in qvo Deus versus hostes sacro-

8

sacerorum suorum , bella gerere crederetur , & cuius
proinde juba aut caudæ pilos temerè vellere , nefarium
plane haberetur. De *Bulgariis* certe , è septentrione &
veteri Scytharum patria , in illam , qvæ hodie est ,
Bulgariam effusis , inter omnes convenit , qvod proeli-
um inire soliti caudam eqvi jam olim portaverint , in
signo militari suo. Itò Christiani inde facti , cum a
Pontifice Romano sciscitarentur , qvid in posterum , vice il-
lius pristini signi , portare deberent , respondisse : Quid
aliud , obsecro ! qvam vexillare *CHRISTI* , ejusque cru-
cis monogramma (a). Habuisse *Constantinopolita-*
nos , multo ante *Turcarum* adventum , suis sub Cæsari-
bus , devincta necessitatí signa & simulacra , eademqve
circum urbem in modum valli atqve muri , certa serie
disposita , *Nicetas* auctor est. Illa vero cum a Latinis
multo ante conftracta essent , ne una cum extinto ve-
tore regno , publica superstitione intercidereret , *Muhamme-*
di labarum à *Turcarum* despota illico elevari cœptum
fuit ; non illud solum *eqviseto* herba simillimum , sed
& aliud , orientis Lunæ , purpureo velo intextæ , cando-
rem ambitu suo repræsentans. Certe qvoties à seditionib-
us , ab annona aut hostibus publica calamitas insta-
re videtur , toties ad *Muhammedem* convolant , utqvc ad
ferendam opem eum magis fortiter accendant , per pu-
blica loca vexillum ejus circumferunt , ibique pom-
posas & ad ostentationem conceptas preces , vocem præ-
eunte sacrificulo , deblaterant. Qui *Moreae* & *Negroponti*
nuperam historiam consignavit *P. Coronelli* , duorum hip-
purorum una cum labaro , vergente seculo superiore ,
Turci erectorum , meminit. Labaro vero qvale elogi-
um characteribus Arabicis *Muselmanni* addiderint : *DEUS*
o *justissime judex* , *nostram* ut *Et boſium nostrorum cauſam*
(a) *Keilurus antiquit. sept.* p. 589. cogno-

9

cognosce & juste iudica, in eleganti commentario Car-
la Segestis id inscripto, ISOGÆUS totidem verbis expres-
sit. Sic cum adversus Imperatores Christianos Russorum
& Austriae paulo ante præparatio fieret, Muhamme-
di signum cum symbolo: *Nasrum min allah:* Med Guds
hielp, ad avertendam exitialem calamitatem, exercitu
prælatum fuisse legimus. Quemadmodum à Catholicis Ro-
manæ sedis asseclis, idem prope factum invenimus, cum
in illorum capita demum tempestas illa detonaret, &
divinæ animadversionis gladium in Pannonia declinare
vellent. SCANDIÆ populum utrumque à religiosi cri-
minis contactu eodem penitus neque immunem fuisse,
deinceps videbimus.

SECTIO SECUNDA.

Religione, qva fieri potuit maxima, signa sua milita-
ria alibi populum profanum, etiam, qvi in mo-
ratoribus censeri volunt, deveneratum esse, jam ante
diximus. Ut ad illam hyperboreorum martigenam gentem,
cujus toto orbe expansa fuere arma victoria, nosmet
convertantur, instituti ratio demum urget. Illos, pu-
ta Gotbos, hinc illinc migrantes perseqvi, & qva re-
ligione signa militaria sua domi forisqve proleqvuti
sint, enarrare, qvamvis onus sit Aetna, nedum meis
humeris grave magis, tñ. qvid deficientibus viribus, im-
petus juvenilis efficere queat, audendo experiar. Utqve
ordine sectari singula possim, de Gotbus exteris pri-
mum, sed in transitu agendum. Qvibus imaginibus,
ceu tesseris, in vexillis militaribus suis illi usi fuerint,
Draconibus ne, Leonibus, Ursis, an vero *aqvilis*, qvæ *ATTILÆ*
insignium loco erant, nostrum in præsenti dilqvire
non est. Id saltem observamus, qvod sicut patriæ stu-
diostissi-

diosissimi, & ad leniendum genitalis auræ desiderium, pristinæ sedis nomina suis apud exterros coloniis crebro impoluerint; Ita in signis militariibus suis quoque numina & insignia gentis avitæ insculpsérint, una secum ire, circumgestarique voluerint, ut ad conspectum effigiei verendæ illius, pietate magis effervescerent, patriam in oculis haberent assiduo, inqve alieno solo, perinde atque domi agere & pati fortia, suum, id est, Gothorum esse, cogitarent. Leonem animal generosum, idemque tumida cervice, ab ultinis retro temporibus insigne fuisse, quod Latii lupæ & Romanorum aquilæ in labaris suis Gothi opposuerint, citato gemino veteris historiæ testimonio PERINGSKIOELDIUS evictum dedit, in suis signis non minoris majestatis quam necessitatis, quantum religionis inesse crediderint, vel ex ipso Attilae effato, cum bipenni Scythica à Marte donatus esset, primum est videre, quippe quam, ceu διοπτρες ὄπλοι quodam, ad invadendum orbis imperium in vicem instrumenti, sibi in posterum fore, gloriabatur. Ne de illorum in exercitu Gothorum amicitiae & pietatis zelo quid dicam, qui Soldiorum more Gallorum, pro patriâ, quæ omnium amores complectitur, sese devoverunt, ad non nisi cum morte ipsa patiendum, ut aram quis atque focos, quæ signis insidere putarunt, belligerantium hostium aliquis iisdem eriperet. Pro repetendis signis, quæ Craſo atque Antonio Parthi detraxissent, O AUGUSTUM maximo contendisse opere legitus. Deos suos in acie prodere, cum capital habuerint Gothi, imo tam grave nefas, ut poena neque ulla expiari posse crediderint, ne qua suspicione rei tam nefariae in posteritate laborarent, cum in aciem descenderent, quasi ex compacto ad fallendum mortis expectationem lemet composuisse, constat.

§. VI.

Sint licet plurimi, qui *Synonymiarum* perinde atque
vocum solicitam enucleationem pertinere volunt ad
floret, non perinde frugem scientiae: nilominus tamen,
cum inter voces & res, quemadmodum inter signum &
signatum, cognatio & quasi quædam parentela interce-
dat, saltem primi nomenclatores intercedere voluerint;
ne parum animo attendisse videamus ad lucem, quam-
vis tenuem, quam identidem affundunt suo loco obser-
vatæ rei unius diversæ notationes, quibus aliis atque a-
liis vocabulis, in lingua *Gothica*, castrorum *signæ* olim
& hodie veniant, præmittere, non inconveniens erit.
Sermone prisco & multis abhinc annis desito, signa
hujus generis merceti dicebantur à *Märck*, *merck*, quod
asperam & densam silvam propriè notat. Nempe cum
ex illa edolarentur hastilia, quibus inde suffigebantur
insignia, inde idiotismo nulli non linguae familiari, pu-
ta materiæ pro materiato, vexilla ipsa *Merkir* & *Mer-
kis*, & quibus coneredita erant gestamina signorum,
Mercasmänner dicti fuere. Vult *LOCCENIUS*, quod signa
sua nomine *Märkir* ideo in primis insigniverint majores
nostrí, quod essent illa designatura, cui se ordini mi-
litum congregare quisque deberet. Sed apparebit in
unam rem collineare utramque sententiam, si, quid in
uno subjecto formæ *substantiæ* & *accidentiæ* intersit, quis
attendere velit. Plures notionis illius in re publica at-
que privata significaciones quisquis scire desiderat, *RUD-
BECKII* tomum *Atlanticae* primum consulat, & videbit
honorum insignia personarum illustrium, & demum quæ
ad privatam quamcunque dotum spectant notarum in-
dicia, *Ekioldmerken* & *Bomerken*, de quibus antea, imo
Mercurium ipsum, non à medio currendo, prout *Festus*
B.2 vule.

vult, nēqvē à mercimonī, qvēntadmodum *Voffio* placeat, sed à merdi, nota ligno aut alii materiae ad designandum rem aliquam impressā, dici nominariqve. Qvomodo à *Stanga pertica*, sepimenti genere ex silvis colligi solito, stanger olim dicta fuerint signa, & hodie num fahnstång dicatur contus, cui appenduntur insignia, adducto, ex historia veteri, idoneo loco, paulo post visuri surus. *Baner* & *Fana* usitato magis vocabulo hodie tesseræ militares istæ venire solent. *Fana* propriè dicitur involucrum qvodcunqve ex panno, linteo aut sindone. Inde ob manifestam similitudinem, pro militari vexillo, vocabulum usurpari cœptum est *Fana*, utrum à *Fan* & *Fanin*, cædis & stragium vetere nostratum *domino*, quem vexillis insidere non minus illi credidere, an vero à *Ban* fascia, qvod vexilla primitus non aliud quam fascia fuerint, hastis vel perticis alligatae, nostrum non est dirimere. Id pro vero constat, in vetere lingva nostra vocabulum idem multas habere formas multasqve significationes, de qvibus etymologi in consilium adhiberi possunt. Hoe loco novisse sufficit, *Scandiorum* peregre degentium vexilla, aliis *Fanen*, aliis, utpote *Longobardis*, *Band* dicta fuisse. A *Fan* & *Fana* vero, sicut in imperiis, in oppugnationibus, & in commissionibus præliorum, vexilla elevari solita, *Nilsfanor*, *Stormfanor* & *Blodfanor* denominari meruere, ita non aliunde vexillum imperii Svetlicum: *Nilsbaneret*, *Huswudbaneret* (a) & Germanica aureæ bullæ vox *Banier Herr / bannophorus*, quam a *Bann* & *Banner* descendere, cuivis in propatulo erit videre. Recen-

(a) A mappula seu linteo, quo olim & hodie Pontificiorum sacrificuli missatici indui solent, *Fanoman Henr. Spelmanno teste*, dici solent.

centioris ævi nomen sed usurpationis veterissimæ, Stan-
dar h. e. signum statarium a standa, esse crediderim.
Erat illud cuspide acuminata, cum subsisteret agmen,
pertica suâ terræ infixum; iterum cum se mouere in-
ciperet, refixum & legioni suum cuique prælatum.
Exemplum statariorum horum signorum nobis suppeditat
historia OLAVI Sancti Norvagiæ regis, cum in fatali
Stickestdiens pugna cauassam suam infeliciter depugnat-
set. Ibi enim de regis Banneriophoro TORDONE perhibe-
tur, qvod confossus vulneribus pluribus, qvam vitam
proferre ultra posset, arrecto velo, contum ferro præ-
fixum in solum fortius adegerit, una cum nisi illo
pronus ipse conciderit, neqve nisi moriens, à depositi
sui custodia divelli potuerit.

§. VII.

Quod ad formam signorum, eorumqve magnitudi-
nem, anteqvam ad alia dilabamur, annotare non
pigabit, eorum alia velorum nauticorum similia fuisse,
alia brevioris ambitus & ad ferendum habiliora fuisse.
Ad primum genus tabarum ipsum Konungens Baner
pertinebat. Eratqve illud tantæ molis sæpe proceri-
tatisqve, ut a robustissimis militum neqve portari po-
tuerit. qvamobrem super carris seu essedis subvectū &
multiplici robore conceptum, una cum agmine, ex uno
loco in aliun, non nisi ægre translatum fuisse, constat.
Qvomodo eidem arbor, in signum submissionis, infe-
rior deflexa fuerit, postea indicabitur. Illud signum,
ejusqve auro & argento fluitantes fimbrias qvisqvis
in acie desereret, is rymma undan Konungens Baner di-
cebatur, cumqve ejusdem loci haberetur illud crimen,
atqve eorum, qui patriæ numina & majestatem eorum,
proderent, inde pro maleficio veteres habuere, qvod
ullis neqve post mortem execrationibus expiari pos-
sunt.

set. Angustioris veli seu operienti hodie signa equi-
um sunt, itemque pedium atque dragoniariorum, a Dra-
conis militari signo nostratisbus olim dictorum. Sunt il-
la minima, ista maxima, bac autem mediæ magnitudi-
nis, regum & regionum, unde collecta manus, insignia
aureis picta literis aut acu texta, in sinu gerentia.
Istiusmodi signa non in singulis exercitibus singula,
sed in uno multa & multiplicia, sicut apud Romanos,
ita quoque Gothos nostros fuisse, eademque non per
legiones solum, sed & manipulos atque cohortes dis-
tributa, præterquam ex aliis locis, etiam SNORRONIS
Haquinii Adalfrainii historiâ videre est; ubi decem vexillo-
rum a ceteris exercitus signis sejunctorum mentionem
injicit auctor, quæ Eigillus Ulfaræ in colle, à campo
Martio non procul remoto, erigi curavit ad faciendam
hosti fidem, quod turmæ in insidiis ibi collocatae es-
sent, quæ aditum ad naves, retro sublabente pugna,
præcluderent. De felici exitu doli militaris illius, hu-
ius non est loci pluribus agere. Nobis sufficit, exem-
pli allato illo, ostendisse ad committendos sanguinolen-
tos ludos, signorum apud Gothos, perinde atque apud
Romanos veteres, magnum proventum fuisse, certe de-
cemplicem in illo conflictu apparatum eorum præsto
fuisse.

§. VIII.

INsignia militaria apud gentes, ab ultimis retro tem-
poribus, illis puta, quibus inimicities invicem fove-
& per bella ad posteros propagare inciperent, usu
uenisse, jam ante notavimus. qualia vero & quvarum re-
rum formæ & simulacra fuerint, porro dispiciendum.
Apud Romanos Deorum & Imperatorum formas præser-
vi solitas fuisse, easdemque non unius religionis, cam-
piones

piones illius gentis admonuisse diximus. Verum habuisse
 illos seqvioribus seculis insertos signis suis apes & an-
 gues, & immanni specie terribiles dracones etiam, Clau-
 dianas testis est. De Gothorum apud exteris martia pro-
 le, Romanis immixta illo tempore, recentioris ævi
 vates idem consentit, cum de iisdem ille quoque canit,
 quod in ocio effigiem agni prætulint in signis suis; si
 vero iram eorum Mars inflammasset, flamivomi *draco-*
nus signo septi in prælia sua procurrere soliti fuerint
Draconis signum Gothis plane gentilitium fuisse, & me-
 diantibus illis, quæcunque apud exteris gentes, ejus ge-
 neris simulacra recepta fuere, jure postliminii retrahe-
 re hosce sibiique vindicare posse, non dubitat, qui de
 vetustissimis Gothorum emigrationibus, *Odini* in Scan-
 dianis prisca religione, ejus magia, & torvas animalium
 species subeundi consuetudine, illius denique sub nomi-
 ne *Sveffneri*, id est draconis, sacra auri fame, quidquam
 audiverit. In suum apud inferos cœlum, quod ex
 auro totum esset, ut per spontaneam mortem magis
 ambitione nostri contenderent, draconis i. e. auri custo-
 dis effigiem suam signis insculpi voluit, ut in illo ty-
 po, amoenam suæ aulae faciem contuerentur, & ad ter-
 ræ pinguedinem hac, illac comportandam magis sol-
 licite extimularentur. Inde vero militaris convetudo
 nostratium ad prætorium & regis vexillum comportandi
 prædam hosti in prælio detractam. Inde in cippis,
 super sepulchra *Scondia* bellatorum erectis, intricatis no-
 dis serpentum atque draconum imagines crebro occur-
 rere novimus, non alio, ut videtur, intuitu, quam ue-
 significarent in aulam *Otbini* transiisse animam, & su-
 pellectilem, quam in terris carissimam haberent, una
 cum exuviis corporis, sub eodem manum custode Waes-
 le, Walhalla Visir, ibidem loci requiescere. Flavum au-
 reum

reum Draconem in campo rubro indigenam gentem
 Gothorum, ab ultima retro memoria usurpare, pluribus,
 si ferret institutum, probare possemus. Sufficit,
 sub exemplo *OLAVI Sandi, Norvagie Regis* ostendisse, qvod
 non in continentis solum, pro linteolo serpentis specie
 insignito, strenue mortem obierint majores nostri, sed
 & naves, & vela & aplustria eadem divinitatis, puta ser-
 pentis, nota insigniverint; *Sturlonide iterum teste*, qui
 de *OLAVI TRYGGVÆ* Regis prætoria navi testatur, qvod
 in prora caput Draconis sibi præfixum habuerit, mox
 caudam serpentis, cuius alas vela expansa repræsenta-
 rent. ne de *HARALDI SIGURDSONII* Regis principe na-
 vi qvid dicam, frendentibus draconum rictibus, iisdem
 que exitiale virus exspuentibus, terrorem quaqua ver-
 sum incutiente. Neimpe qvemadmodum *Castoris & Pollu-*
cis magionis Græci veteres, & divorum nescio qvorum
 imagines navibus suis seqvioris ævi Christiani, pro feli-
 ci auspicio, apponere soliti fuerunt: Ita *Draconis*, puta
 Odini dealtri imaginem, seu tutelare numen qvoddam
 myoparonibus suis *Argonautæ* nostri olim adscripsere, spe
 delusi vana, qvod præside sacrorum illo, frementibus
 procellis, quasi in maris otio navigarent, interque con-
 fessa hostium tela, qvocunque vellent, securi decurrerent.
 Sed non signis textilibus, in *draconum* formas effigiatis
 hostes suos obstupefacere solum aggressi fuere nostrates.
Luporum, aprornm, eqvorum & taurorum simulacra et-
 iam ordines eorum militares anteiverunt. *Thorum* Euro-
 pæ raptorem, ad publicam castrorum venerationem, illa
 sub imagine, utpote *tauri*, prælatum fuisse, omnis a-
 gnoscit, qui taurum & Thorum illum, ab *Odino* 1. Nec
 & Wanthei ita dicto, non nisi nomine solo differre no-
 verit; cumq; taurum ferum & bene saginatum *ODINO* of-
 ferre, in more gentis luæ fuisse, *Sturlonides agnoscat*, in-
 de in signis nostratium *draconis & tauri* insignia promi-
 scue usu venisse, verosimilitudine certe non caret.